

林下詞選

林下詞選卷七目錄

明詞

沈宜修十六首

葉純純八首

葉小純六首

葉小鸞十六首

林下詞選卷七目錄

林下詞選卷七

明詞

沈宜修

字宛君吳江人虞部葉紹袁夫人紹袁字
仲韶有才名子女俱工文詞宛君遺集名
鸚吹又有伊人思輯閨秀詩文甚脩沒後
虞部哀集其稿曰午夢堂集共數種三女
純純小純小鸞詩詞附後今見選中子燮
登康熙庚戌榜進士孫舒崇亦以文章知

名

憶王孫

雲屏寂寂鎖殘春。錦瑟年華已半塵。芳草畱香燕語新。
繡苔茵。金鈿瓊簫總殢人。

點絳脣

代人
寫恨

寶鏡空圓薄情猶憶當初否。指環在手對面成拖逗。
自悔無端信得虛名驟。重陽後安排消瘦愁病長。
相守

菩薩蠻

紫驪嘶遍垂楊曉綠隄人正腰肢小紅袖拂瓊簫含
情注小桃春歸人去遠春去人歸晚莫把杏花吹
夜深啼子規

又

送仲韶北
上廵文

柳疎垂映長亭酒酒亭長映垂疎柳人去促飛塵塵
飛促去人雁征愁信遠遠信愁征雁彈泪染綃紵
綃紵染泪彈

清平樂

柔情如結着意憑誰說春去風翻簾外鐵幾度天涯

明月 無端故故思量綠牕夢遠瀟湘啼鳥不知人
恨數聲喚落斜陽

三字令

花落盡柳陰低雨絲飛香霧濕彩雲迷帶愁飛飛去
也武陵西 新夢短漏依依剩相思殘月冷曉烟淒
蝶香濃鶯語碎斷腸時

瑤池燕

和君晦
弟韻

輕寒陣陣欺花困半嫋垂楊乍籠餘恨藏微暈羅巾
愁濕粧前認 傍簾櫳花影堆悶香消損東風幾負

春信憑誰訊平波正遠憐雙鬢

虞美人

瓶巾臘梅

生香素面檀融暈懶傳何郎粉膽瓶折取貯仙葩試
看漸將春色逗些些纖枝不鬪東風巧耐雪衝寒
早鏡前新寫漢宮妝却把玉顏淡淡拂輕黃

踏莎行

和凝有句云春思翻教阿母疑余以爲破瓜之年亦何須疑直是常信耳作問

疑詞戲示瓊章

芳草青歸梨花白潤春風又入昭陽鬢繡牕日靜綺
羅閒金鈿二八人如薺碧字題眉細香寫暈青鸞

玉線裙榴襯若教阿母不須疑粧臺試向飛瓊問

滿庭芳

簾月光微屏山畫寂斷魂長遶離亭小牕人靜無語
正傷情獨對殘燈明滅空憔悴難問寒英熏籠倚香
銷縷枕愁極不聞更 清清聽塞雁天邊嘹唳往事
頻驚歎薇花夢杳翠黛凝橫漫說流黃錦字何處寄
天上瑤京多少恨憑風吹去飛遶鳳凰城

又 七夕

玉樹香浮金波彩泛細風輕送雲行橋邊烏鵲千古

說多情、何事歡娛易散。空悵望、玉鏡銀屏，堪憐處、年
年芳草青。黛鎖秋橫。盈盈增悵望，更更漏點，處處
鷄聲。看疎星漸曉，珠露飛英，腸斷鮫綃，怕上休回首。
柱自魂驚，還須問、長河渺渺，流向幾時平。

玉蝴蝶

思張倩
倩表妹

驀地流光驚換，畫欄一帶，烟柳初齊。乍煖輕寒，庭院
盡日簾垂。送愁來、數聲啼鳥，牽夢去、幾樹游絲。憶當
年、情含寶帳，未解春思。堪悲。盈盈極目，幾多江水，
隔若天涯。恨結丁香，也應還自怪香綦。漫思疊花前。

舊約空惆悵虛負芳期又誰知夜牕魂斷曉鏡低眉

百字令

重午感懷

傷心時候又端陽景色依然滿目暗柳藏鶯千百轉
聲遶畫簾風竹舊恨嗔花新愁泣夢細雨凝蒲綠泪
殘芳草斷魂何處難續休說簫鼓年年龍舟競渡
玉盃傾醕醖今古興衰多少事不盡沅湘萬曲明月
山空青松露寂烟水長飛鷺落霞影裏怎如數椽茅
屋

水龍吟

丁卯余隨宦治城諸兄弟應秋試俱得
晤後仲韶北赴燕京余幽居忽忽恍焉

三載賦
此志慨

砧聲敲動千門渡頭斜日踈烟逗蓮歌又罷
更房將採愁凝翠岫巫峽波平蘅皋木脫粉雲涼透歎無端
心緒臺城柳色難禁許多消瘦 古道長安漫說小
庭閒晝應憐否紅綃雨細碧欄天杳三更銀漏塞雁
無書清燈空藥但餘綠酒想當年白傅青衫還倩泪
畱雙袖

又

庚午秋日余作水龍吟詞兒輩俱屬和書之
扇頭今又經三載偶簡篋中扇上之詞宛然
二女已物是人非矣可勝腸斷
不禁泪沾衫袖因續舊韻賦此

石城潮打千秋消磨不盡還相逗閒雲無定野水長
縈續紛遶岫古古今今朝朝暮暮如何叅透歎依然
風景茫茫交集但憑得秋容瘦看取嬋娟秋色西
風搖落應憐否碧天空濶寒烟無數怨砧淒漏把杯
邀月恨濃愁極拚他中酒問廣寒丹桂飄殘何處斷
香盈袖

按圖譜前段末句應七字後段末句應四字
詞品又作三字句惟東坡楊花詞俱六字

霜葉飛

題君善
祝髮圖

悶懷難表西風弄愁人踪跡顛倒笑拚華髮付淒涼
露泣芙蓉老夢破柳烟蝴蝶曉沉吟擲鏡寒烟掃世

事總休休但倩取幽窗月影夜半留照
憔悴動處
非狂愁時非醉畫裏人應知道遶崖黃葉正紛紛好
共哀猿嘯落蘂楚江君莫惱芳洲處處悲秋草自有
閒雲飛伴松月山空桂叢烟渺

葉統統

字昭齊沈宛君長女適袁了凡孫年二十
三卒有遺稿名愁言名媛集稱其詩俊逸
蕭永如新桐初引青山照人其詞亦復爾
爾

點絳脣

往事堪傷舊游綠遍池塘上閒愁千丈暗逐庭蕪長
自古多情偏惹多惆悵添悽愴寒宵月朗一片淒涼况

浣溪紗

風雨閒庭鎖寂寥又看春色一分消翠屏斜倚思無聊
夢覺情踪無處問悶來心緒最難描殢人殘病是今朝

三字令

詠香
撲

疑是鏡又如蟾最嬋娟紅袖裏綠窻前
帶妬花鈿蘭浴罷襯春纖撲還拈
添粉艷玉肌妍麝氤氲香馥郁透湘簾

繫裙腰

做劉叔儼

窗兒半掩簾兒清庭兒靜袖兒輕春兒老去傷情景
兒明愁懶把步兒行黛兒慙慙髻兒傾欄兒倚悶
盈盈萋萋綠草兒迷斷歸程歎聲聲只贏得夢兒成

滿江紅

秋色澄清烟靄淨碧天寥廓正此際悲涼滿目歲華

搖落鏡裏流光私自惜
天邊斷鴈愁難託
奈新來雙鬢不勝秋
渾蕭索
問何處堪棲泊
想蕙帳悲猿鶴
更踈籬
叢菊草堂風籜
無奈都成虛負了
塵勞客夢
何時却怕西風消息
暗驚心偷垂幙

玉蝴蝶

感春

景色穠芳清晝游絲無力
嫋嫋輕柔欲挽春光同住
肯爲遲畱碧烟侵舊時羅袖
紅香淡獨自粧樓繡簾
幽弄晴啼鳥喚雨鳴鳩
悠悠凭高一望江南春色
千古揚州回首繁華斷腸都付水東流
黯魂消一番

懷古空目斷萬縷新愁幾時休綠楊芳草春夢如秋

又

窗外曉鶯初囀柳陰陰處聲透西樓好夢驚回深院
簾捲銀鈎霧濛濛杏花無語人寂寂芳草如羞恨綢
繆幾多心事盡屬眉頭凝眸新妝鏡裏東風無計
吹破春愁粉褪香消長門花月半沉浮問年年惱人
濃綠看日日伴我孤幃倚香篝黃昏雨後數遍更籌

水龍吟

早秋感舊
次母韻

蕭蕭風雨江天淒涼一片秋聲逗香消菡萏綠催蘭

林下詞集
卷之四
正烟迷遠岫浪隔星橋雲遮碧漢薄羅涼透蚤無端
拈起一簾愁緒都作鏡中消瘦 寂寞文園秋色這
情懷問天知否簷鈴敲鐵琅玕折玉聽殘更漏淡月
疎櫺小庭曲檻暫消杯酒便小槽引盡真珠只怕泪
紅沾袖

葉小紈

字蕙綢沈宛君次女適同邑諸生沈永禎
是爲詞隱先生孫婦精于曲律所著有鴛
鴦夢雜劇附午夢堂集女樹榮亦工詩詞

今編 國朝卷中

浣溪紗

新月

纖影黃昏到小樓
弱雲扶住柳梢頭
捲簾依約見銀鉤
粧鏡試開微露匣
蛾眉學画半含愁
清光先自映波流

又

春日憶家

剪剪春寒逼絳綃
幾番風雨送花朝
黃昏時節轉無聊
夢裏家鄉和夢遠
愁中尺素與愁消
夢魂書信兩難招

菩薩戀

暮春
迴文

柳絲迷碧凝烟瘦瘦烟凝碧迷絲柳春暮屬愁人
愁屬暮春雨晴飛舞絮絮舞飛晴雨腸斷欲昏黃
黃昏欲斷腸

踏莎行

過芳雪軒憶
昭齊先姊

芳草雨乾垂楊烟結鵲聲又過清明節空梁燕子不
歸來梨花零落如殘雪春事闌珊春愁重疊篆烟
一縷銷金鴨憑欄寂寂對東風十年離恨和天說

又

暮春
感舊

萱草緣堦桐花垂戶陰陰綠映清涼宇輕風搖曳繡
簾斜畫屏難掩愁來路 世事浮雲人情飛絮慙慙
愁緒絲千縷無聊常自鎖牕紗嬌鶯百轉知何處

水龍吟

秋思和
毋韻

西風一夜涼生小庭秋色還依舊井梧聲碎驚回殘
夢鴉啼衰柳竹粉全消荷香初散韶光難又看堦前
細草凝愁凝怨無語慙慙低首 幽徑湖山徙倚雨
方收苔痕如繡萍蕪飄盡曲池清淺照人眉皺野寺
疎鐘長江殘月去年時候謾追思付與東流聽取夕

陽蟬奏

葉小鸞

字瓊章一字瑤期自號蕘夢子沈宛君之季女年十七未嫁而亡有遺集名返生香

仲韶續竊聞云吳門泐菴大師陳隋宿德也受天台智者大師止觀之教墮神趣中現女人身以佛法行冥事余家設香花幡幢敦延大師問以亡女瓊章師曰瓊娘向係月府侍書女也因游戲人間故來君家今仍歸縵山仙府隨爲遣使招之少頃卽至題句云幃風瑟瑟女歸來萬福尊前且節哀二語卽止似哽咽不能成者又作詩呈師有從今別却芙蓉主永侍猊床沐下風之句云願從

大師授記不往仙府矣師云飯依必須
受戒受戒必須審戒我今一一審汝師
云曾犯殺否女云曾犯曾呼小玉除花
虱也遣輕紈壞蝶衣曾犯盜否云曾犯
不知新綠誰家樹怪底清簫何處聲曾
犯淫否云曾犯晚鏡偷窺眉曲曲春裙
親繡鳥雙雙又審四口惡業曾妄言否
云曾犯自謂前生歡喜地詭云今坐辯
才天曾綺語否云曾犯團香製就夫人
字鏤雪裝成幼婦詞曾兩舌否云曾犯
對月意添愁喜句拈花評出短長謠曾
惡口否云曾犯生怕簾開譏燕子為憐
花謝罵東風又審意三惡業曾犯貪否
云曾犯經營細帙成千軸辛苦營花滿
一庭曾犯噴否云曾犯怪他道蘊蔽枯
硯薄彼崔徽撲玉釵曾犯痴否云曾犯
勉棄珠環收漢玉戲捐粉合葬花魂師
曰子固一綺語罪耳遂予之戒名曰智

斷字絕際今泐師無葉堂
中稱絕禪師者卽瓊章也

搗練子

春寂寂。月溶溶。落盡紅香剩綠濃。明月清風同翠幙。
夜深人靜小窗中。

如夢令

除夕

風雨簾前初動早。又黃昏催送。明日攄然來一歲空。
憐如夢。如夢。如夢。惟有一宵相共。

點絳脣

採蓮女

粉面新妝淡紅衫。子輕羅扇昨宵隣。伴來約蓮塘玩。

棹泛扁舟影共蓮花亂深深見綠楊風晚空載閒
愁返

又

竹徑深深流雲曉度羅幃靜雨絲幾陣滿地桐花冷
濕翠侵眉纖暈蒼苔影看無盡倚屏人映一片瀟
湘景

浣溪紗

幾日東風倚畫樓碧天青靄半空浮韶光多半杏梢
頭垂柳有情留夕照飛花無計却春愁但憑天氣

困人休

又

春色二分付水流
風風雨雨送花休
韶光原自不能
畱
夢裏有山堪遁世
醒來無酒可澆愁
獨憐閒處
最難求

謁金門

秋晚憶
兩姊

情脉脉
簾捲西風爭入漫
倚危樓窺遠色
晚山畱落
日
芳樹重重凝碧影
浸澄波欲濕人
向暮烟深處
憶繡裙愁獨立

南柯子 秋夜

門掩瑤琴靜
窗消畫卷閒
半庭香霧遶
闌干一帶淡
烟紅樹隔樓看
雲散青天瘦
風來翠袖寒
嫦娥眉又小
檀轡照得滿
階花影只難攀

浪淘沙 春闌

薄暮峭寒分
羅簾香焚粉
牆留影弄微暝
一縷茶烟和夢煮
却又黃昏
曲曲畫湘紋
靜掩巫雲花
開花落負東君
賺取花開
花又落
都是東君

鷓鴣天

日上花梢睡未醒繡衾香煖夢畱人依依柳眼天邊
碧淡淡山眉鏡裏青無意緒惜娉婷綠階芳草伴
愁生東風吹夢知何處空聽流鶯竹裏聲

河傳

七夕

橋畔鸞扇星鈿霞鈿暫撇殘機步移思量去年今夕
時淒其未期先慘離借得嫦娥初月鏡窺瘦影拂
拭翠眉整鴛雲蜨河漢西淒迷只愁鷄暗啼

虞美人

看花

闌干曲護閒庭小猶恐春寒悄隔牆影送一枝紅却

是杏花消瘦舊東風
海棠睡去梨花褪欲語渾難
問只知婀娜共爭妍不道有人爲你惜流年

臨江仙

端午

團扇新裁明月影珠簾半上瓊鈎欄花紅到玉釵頭
綵絲宜續命綠砌遶忘憂
酒泛菖蒲香玉碎嫩紅
雙靨橫秋靨船盡日開芳洲蕭蕭烟雨外還鎖楚江
愁

踏莎行

秋景

悴葉零愁清香入繡小山叢桂塗黃就畫樓日影上

簾鉤松風一枕消清晝
片雨涼生小風波皺踈踈
翠玉琅玕逗斷雲飛盡碧天長
數枝烟柳斜陽瘦

玉蝴蝶

春愁

夢破曉風庭院粉墻花影睡起
恹恹幾日雙蛾愁損
鏡裏春尖看盡他
鸚梭柳線都織就
霧錦雲縑最難
忺催花小雨依舊
廉纖堪憐韶光淑景
芊芊芳草
寂寂鉤簾燕子歸來
花香都向綠琴添散
閒愁流紅
泛去消酒困濕翠
飛粘怯春衫香烘裊裊
袖護摻摻

水龍吟

秋思次
毋韻

芭蕉細雨瀟瀟雨聲斷續砧聲逗凭欄極目平林如
畫雲低晚岫漸老金風乍零玉露薄寒輕透想江頭
木葉紛紛落盡只餘得青山瘦 且問沈寥秋氣當
年宋玉應知否半簾香霧一庭烟月幾聲殘漏四壁
吟蛩數行征雁漫消杯酒待東籬綻滿黃花摘取暗
香盈袖

昔黃山谷稱晏小山詞爲高唐洛神之流其下者
亦桃葉團扇今讀返生香諸詞則全是高唐洛神
非復桃葉團扇可髣髴也

林下詞選

卷七

林下詞選卷七

林下詞選卷八目錄

明詞

端淑卿四首

張嫺倩四首

黃鴻二首

翁孺安一首

錢夫人三首

郭璠二首

顧若璞六首

商景蘭三首

顧憲二首

周蘭秀三首

瞿寄安一首

韓智珙四首

沈靜專七首

黃垓二首

顧蘭佩一首

沈少君一首

吳栢二首

林下詞選卷八目錄

林下詞選卷八

明詞

端淑卿

當塗人教諭端廷弼女適芮氏所著有緣
窗詩稿小詞附焉德清章元禮謂其旨醇
而節和淪淪有致足稱鄒士齋流亞

阮郎歸 春夜

園林春到清明節花柳愁攀折人生何事輕離別水
遠山重疊 杜宇啼殘更月銀缸照明滅莊周有夢

驚飛蝶關心猶未說

西江月

寄外

簾外紛紛風絮金鉤雙控頻敲銀缸明滅麝烟消羅
帳夢魂縹緲梅折一枝相寄長途驛使虛勞寂寥
更漏夜迢迢展轉不知天曉

醉花陰

春去

春到人間能幾月愁近清明節花柳正爭妍妒雨紛
紛杜宇聲啼血茫茫山水經年別感事歸心切無
計可畱春一片花飛兩鬢堆霜雪

浪淘沙 憶外

灑泪卜金錢
爻象移遷荷筒折斷藕絲連
夢裏還家愁裏語
總是虛占
時事苦迤邐
一別經年北堂萱
草望懸懸雲樹叅差山水遠
魚雁難傳

張嫺婧

廬州人有集行世共詞風度嫣然自是闌

幃本色

菩薩蠻 問海棠

海棠春睡顰脂冷
聲聲杜宇呼難醒
想是怯東風沉

沉香夢中 閒來花檻外漫把花愁解切莫更朦朧
輕將錦被籠

又

連城山房

落花風捲春愁絕枝頭燕剪裁桃葉花氣沁簾香遊
絲掛綠牕 蕉青鸞翅影草碧龍鬚冷無語對瑤琴
閒花落膽瓶

憶秦娥

聽杜鵑

春去矣蘼蕪綠遍苔痕紫苔痕紫暗葉啼風老紅泣
雨 解入小燕渾無語杜鵑猶在寒烟裏寒烟裏道

不如歸何時歸去

前後段第四句俱不合調

又

秋夜聽雨

寒雨澁寒風
颯颯寒簷鐵
寒簷鐵丁丁
點點蕭蕭瑟
瑟寒蛩趯趯
啞寒葉寒衾
寂寂寒燈滅
寒燈滅嘈嘈
唧唧淒淒切切

黃鴻

字鴻耀仁和人
大叅黃又謙女
詩名廣寒

集

長相思

秋怨

倚闌干對闌干鵲鴂三聲枝上寒如何桂影圓 記
難難話難難喚盡邯鄲清漏闌啼紅燭未殘

菩薩蠻

梅花夢中

欄開十二幽香膩分明睡在梅花裏風動曉妝前
雲冷翠鈿花魂何處問向晚愁來近橫枕一張琴
琴心曲裏尋

翁孺安

字靜和太常翁憲祥女自號靜和居士海
虞人適同邑顧氏有浣花居遺稿名媛詩

選云靜和居士性喜吟咏不事鉛華室中
惟琴書圖籍而已

浣溪沙

秋日

碧天沉影散秋光雁陣初過列字行冷風徐沁白羅
裳墮葉井梧旋靜砌含英籬菊護低牆聲聲何處
搗衣忙

前段起二
句不合調

錢夫人

吳興人都憲唐世濟夫人填詞澹遠真有
林下風致所著附瓊蘼集

菩薩蠻

題文和美承韻

凍雲微壓花如夢
夢如花壓微雲凍
魂傍月邊尊尊
邊月傍魂
我憐花久坐坐久花憐我
烟柳羃平川

滿庭芳

寄夫美承掌憲并次來韻

古樹陰濃新篁翠淺
乍陰過雨俄晴
方塘對岸畱得
小紅英消受
茶芽蕨筍糝
几淨雲母輕明
薰風至鈞
絲搖曳無處立
蜻蜓
喜灌園君志辟纊
吾職兩意
相并把當前小景
直擬蓬瀛
怎便塵勞盡
謝長無事

心境雙清家園好藕花如錦波面想盈盈

後段第二字宜平

沈鳳羽曰夫人有四時詞云其二此夏景作也適火雲錄金揮筵讀之冷冷如坐嘉蔭有順便栩栩然入焚不謂海外松風乃在尺幅間也

又

一片松陰半庭梧葉縱橫占滿空堦授衣時節砧響
隔牆來漸老懶親刀尺褰簾望秋色佳哉真難料千
餘里外來看木樨開嘆閭浮狹小關爭堅固利嫁
名媒怕胸中硯磊辜負新醅但使逍遙鵬鷁知何事
荏苒縈懷高樓晚孤鴻別浦鄉思忽相催

郭璠

字璫汝長洲人適埭川顧氏畫學寒山趙
文淑其花草爲吳中第一嘗題詩扇頭有
葉落空山萬木齊之句識者謂其清古秀
潔非一時閨閣所能

思帝鄉

有懷

紅燭冷碧釵畱燭冷釵畱人去恨悠悠捐得一分懽
悴一分秋試問眉間心上幾多愁

南鄉子

范蔚 前後段起句各少
一字一作減字南鄉子

午院新涼不捲簾
拭暗香意在蓮心
誰向問情長
懶將紗扇撲鴛鴦
雨過秋塘翠蓋深深露半妝
一似低頭嬌不語
思量泪浥紅腮不記行

顧若璞

字和知錢塘人上林署丞顧友白女文學
王東生室小詞字字婉媚得花間之神者
有臥月軒集

長相思

春詞

梅子青
荳子青
飛絮飄飄撲短襟
風褰羅袖輕
送

芳辰惜芳辰春事支離些箇情睂峰恨幾層

又

春先到愁先到嫩鶯故對新叢叫懶把雲和抱
愁先到春先到花輕蜨亂東風裊撚却花枝照

減字木蘭花

月夜聞嬾清沈夫人吹簫

雨收風細一片清光疑是洗秦女樓頭吹出柔腸幾
許愁花枝掩映素腕金環頻弄影香軟寒輕寂寂
簾幃夜不扃

浣溪沙

嫩柳牽絲覆綺牕起來無緒理明璫惱人最是日初
長三尺烏雲隨意挽兩條却月待蕭郎胡琴閒放
竹方牀

又

綠水紅蓮一帶妍荷衣欲剪惜金錢可憐鵲鵲不同
眠
綉扇看來心已碎迎涼盼不到秋天算來又怕
說秋天

玉樓春

晚春中
橋看月

花飛錦帶春波簇殘月流輝明水縠萬珠的燦照新

妝故向嫦娥纖手掬
柳線牽烟輕重緣漁燈高下
驚鴛宿無情花柳送春歸
不管離人腸斷續後段不起二句不

合調

商景蘭

字媚生會稽人中丞祁彪佳夫人有集行
世其詩餘聲情爾雅不涉濃艷自是大方

搗練子

長相思久離別爲誰憔悴憑誰說捲簾貪看月明多
斜風恰打銀缸滅

青玉案

別黃皆令

一簾蕭瑟梧桐雨秋色與人歸去花底雙尊留薄暮
雲深千里雁來寒度客有愁無數片帆明日東臯
路送別恨重重烟樹越水吳山知何處舞移燈影
調弦柱且盡杯中趣

燭影搖紅

憶舊

春入華堂玉堦草色重重暗寒波一片映闌干望處
如銀漢風動花枝深淺忽思量時光如箭歌聲撩亂
環珮丁當繁華未斷游賞池臺滄桑頃刻風雲換

言選 卷八
中宵笳角惱人腸
泣向庭幃遠何處堪畱顧盼更可
憐子規啼遍一枝殘
鴈滿壁圖書幾聲長歎

顧蕙

字又蘓崑山人宗伯顧錫疇女適烏程沈氏遺稿最富

菩薩蠻

征婦怨

誰家月下砧聲動
高樓少婦拈鍼弄
欲整舊時衣知
他瘦與肥
金戈迷滿路
夢見應無據
十載滯關山
閨中綠鬢殘

鷓鴣天

春日偶成

風送簾開花影浮
曉寒側側倚妝樓
容瘦羞窺明月鏡
鬢絲懶上綠雲油
簷馬外柳枝頭
雙飛鸞燕喚春留
總然淑景堪娛目
難解深閨一種愁

周蘭秀

字淑英吳江人周九倩女平湖孫愚公配

如夢令

雨夜

梅雨夜窻聲動早
又新荷香送吹入畫樓來
一段幽懷誰共誰共誰共
漫擲燈前清夢

浣溪沙

初夏

雨過梧桐萬綠平
模糊山色逐雲行
飄飄鸞羽傍風迎
茉莉小庭香落袂
夢餘蕉影綺窗橫
隔樓何處度簫聲

滿路花

秋日閒居和朱希真韻

溪林晚雨乾
一片山雲破
荷池蘆汀畔
吹魚火
疎簾高閣
淡淡輕烟
爨闌干
方靜悄
鳥弄花聲
倚屏最惜殘卧
半松半竹
綠陰茶寮
左調琴
與滌硯
柴門鎖閒抽
鄴架
快讀新詩
過莖蘭
開傍我
初月纔生
雙鬢

輕喚人呵

前段附
字失韻

瞿寄安

茂苑人歸西吳韓狀元敬

長相思

寄于
夫人

朝含顰暮含顰風動疎簾疑是君相思欲斷魂
試羅裙褪羅裙鴛瓦霜飛病又新天涯兩地人

韓智珙

吳興人狀元韓敬女歸金壇于御君鑾沈
鳳羽初蓉集云夫人余中表姊也稟余姑

毋夫人教篝燈晤語如經生姑詞翰重一時
晚精內典斷綺語故集中無所載滄桑
後姊遺稿多散失頃年御君來茗上得誦

其詞

浣溪沙

東瞿夫人

短燄流銀耿曙窗
護霜殘月映寒厖
飛蓬流水去匆匆
忙 一股鸞釵慰離別
三條紈素說思量
夢魂遶莫渡滄浪

又

玉筍雙垂透臉寒十離詩就背人看閒愁贏得幾多
般月轉空堦天欲曙香縈倦枕夢初闌相思一夜
小梅殘

又

刻燭相期已過痕忍寒先試浴泉溫瑣窻人靜月如
銀自是別來渾不忘閒將舊事重追論感恩何必

說酬恩

忘字
去聲

滿庭芳

秋霜

勁韋傳霜殘荷貌雨白雲隨處安排文心兵氣入夢

總成灰玉剪翻燈燕子還消得幾遍徘徊空惆悵五
陵狂客殘病到秋來風篁如醉鐵山嬌樹綺池綢
霞裁更北牕深處蕉影容堆叢桂愁關異代誰招隱
花落花開孤吟罷雙雙藕覆常繞碧欄迴

沈靜專

字曼君吳江人宛君之妹卽詞隱先生幼
女也先生嘗稱其才類眉山長公而坎壈
困阨亦頗似之故其詩詞多激烈之音適
吳適之所著名適適草小詞附其後別撰

頌古一卷於宗門會第一義知其得於頤
悟者淡矣自號上慰道人爲三峰法嗣云

長相思

春愁

春未盈蝶睡輕柳外東風吹恨生日長花氣清瘦
魂驚一聲鶯羈住愁魔不放行遙山翠半醒

菩薩蠻

春曉
迴文

曉花畱露春風小小風春露畱花曉輕燕掠波平平
波掠燕輕綠陰簾控玉玉控簾陰綠驚夢奈淡情
情淡奈夢驚

又寒夜

梅花幾樹瀟湘曲
依微影射林間屋
風急暮江寒孤
舟客思殘
素屏憐小夢
空賦霜華重
明月冷山巔
三更啼杜鵑

画堂春

春感

疎烟捲翠靜林邊
嫩雲不礙晴天綠
燕影裏燕飛旋
山起眉鮮
瞥見侵簾仄
月回傷別塢
啼鵑當時猶
怨別離船
忍隔重泉

蝶戀花

蝶戀花
花

舞向低簷依嫩綠翠冷天涯影斷吹愁續幻就雲衣
飛態足粉烟浥露枝頭浴風動猶疑翻紫玉引得
佳人悞入花陰撲靜斂香鬢還自宿蜂媒覓伴仍相
促

又 春愁

遠樹披烟裊翠縷繡粉生香寒月梨花露柳蕩雲輕
春半暮殘陽流影低花塢枝上嬌鶯猶解慙草綠
簾陰生啓愁歸路搏就芳華天可悟悲歌又把年光
度

鳳凰臺上憶吹簫

冬閨

天外霜飛江干風緊瓊閨夢冷芙蓉耐衾鴛紅薄雙
袖單籠侍女漫施鸞鏡任教他翠鬢雲鬆幽窗畔一
枝清逼玉映香叢隆冬誰家嬌寵倚春華芳暖鮮
語溶溶歎文心一縷有句拈慵生分曉山眉醒也應
知做弄微衷綠莎際帆銜淡日猶度孤鴻

前段第七句不合調

黃垓

字智生黃維韞女見初蓉集

畫眉彎

宿妝殘未梳雲鬢先學畫眉彎簾外聲聲喚喚道海
棠開遍愁春去惜春殘往事如今休怨從此去叅
盡瞿曇好向蓮臺答願

顧蘭佩

松陵人學憲顧道行曾孫女適玉峰何灋

清平樂

春柳次庶其
叔父原韻

春江縹緲烟鎖何時了贏得離亭人去杳淚落隨他
多少從教蕩漾風前纖腰欲折堪憐羨殺謝庭詠
絮休言張緒當年

沈少君

吳江人中丞沈宏所孫女太學沈君張女
幼工詩詞未字而妖遺稿有繡香閣集惜
與劫火同燼不傳于世蓋亦香奩之恨事
也今于伊弟醒公處覓得謝池春一闕并
梨花柳枝兩絕句其梨花云冰肌玉骨是
天成不向穠華鬪色新最是嬌香無着處
夢隨蝴蝶墮中庭其柳枝云青粉牆高弱
柳低柳烟拖碧轉雙鵬叮嚀似與行人說

賸取藏身幾箇枝

謝池春

曉起梨花
將謝感賦

細雨輕寒院落重門深閉爲花愁平添幾許寶釵慵
整獨把闌干倚恁春工忒囟囟矣 明朝只恐狼籍
粉痕歸砌早難支一襟憔悴雪肌素面相對空凝睇
快須呼玉樓人起

吳栢

字栢舟錢塘人吳太末女許配陳允璧未
嫁而允璧死栢年十七哭踊幾絕父聽歸

陳縞練推髻孝養舅姑年二十有七卒

菩薩蠻

驟雨

鏗然一陣鳴鴛瓦琅玕亂向空中灑瀑布屋頭懸階
墀忽作川荷心珠玉顫沿路浮花片欺我是空房
公然漏在牀

鵲橋仙

七夕

金針穿巧花瓜鬪麗爭看天孫出嫁歡娛莫恨隔年
遙還勝似姮娥終寡橋邊鵲羽盤中蛛網休論有
無真假天仙日月較凡常可知是千年一夜

林下詞選卷九目錄

明詞

王微十七首

楊玉香一首

徐驚鴻二首

楊宛九首

劉勝一首

趙彩姬二首

柳隱五首

謝小湄三首

木下詞選卷九目錄

林下詞選卷九

明詞

王微

字修微廣陵籍後爲女冠學道自號草衣
道人與雲間陳眉公竟陵譚友夏輩爲文
字交所著有期山草遠游篇閒草諸集名
媛詩選云修微性雅好游嘗輕舟載詩畫
往來五湖間自言入匡廬月下從開先寺
看青玉峽道遇虎不怖至栖賢橋題字金

井上白雲捲之而飛見樂天草堂圮解衣
修葺菜芝天柱峰頭三觀日出殆飄飄乎
僊也

搗練子

送遠

雨初收花淚簌歌送行人不成曲
花落花開俄頃間
歸期便合將花卜

如夢令

臨別似
譚友夏

只合喚他如夢前後空拈新詠
風便欲懸帆一片離
雲生棟牀送休送今夜月寒珍重

又夢到
舊居

月到閒庭如畫修竹曲闌依舊相向黯無言忽道別
來銷瘦迤迤逗迤風底落紅僂僂

又靜夜

簾外月消烟冷凍瘦一枝梅影空館不勝情此際知
誰管領夢醒夢醒又把閒愁細整

長相思

人悠悠路悠悠不覺秋光入暝流憐他獨倚樓爲
伊愁怕伊愁愁得相逢愁始休郎家鸚鵡洲

生查子

春夜

久病怯凭闌
况憶人同倚
月寒花影篩
愁至歡難替
離魂未得飛
擔帶愁同去
芳草在天涯
綠到無廻避

菩薩蠻

風吹楊柳春波急
桃花雨細蒼苔泣
此際若爲情
幾
膏滅復明
幾回鴛被底
染就相思泪
捲起待君歸
歸看架上衣

憶秦娥

湖上有感

多情月偷雲出照無情別無情別只似清輝暫圓常
缺傷心好對西湖說湖光如夢湖流咽湖流咽又
似離愁半明不滅

又月夜
偶代

清光冷梧桐一葉飛金井飛金井相思此際倩誰管
領有夢一生何必醒離愁只恁依花影依花影猶
記堤邊風颭小艇

又月夜臥病
裏宛叔

因無策夜夜凉心似摘心似摘想他此際閒窗如

簪 烟散月消香徑窄影兒相伴人兒隔人兒隔夢
又不來醒疑在側

又

戲留譚友夏

閒思遍留君不住惟君便惟君便石尤風急去心或
倦 未見烟空帆一片已掛離魂隨夢斷隨夢斷翻
怨天涯這番重見

按憶秦娥詞每句第二字俱應平聲今修微詞都有誤

鵲橋仙

七夕

菡萏開霞輜轔蔽月曾赴書生密約人間較得合歡
頻又何事淩波盼鵲 一隻鳴機千年舊樣也合從

新換却織成綃素不裁襦愛隣近霓裳袖綽前後段起句不

台調 沈天羽日余讀修微此詞末句因得句云月裏霓裳何處買端從天女將中求

醉春風代怨

誰勸郎先醉窗冷燈兒背拋琴抱婢倚香幃睡睡
忘却溫柔一心只戀醉鄉滋味慚愧鞋兒謎耽閣
鴛鴦被問郎曾否脫羅衣未未想是高唐美人惜
別不容分袂

又怨思

心似當時醉眼到何時睡燈花落盡影疑冰悔悔

展轉尋思是誰催促別時偏易 無限天涯泪難定
天涯會接君尺素表離情啐啐啐一半模糊不如夢
裏問他真偽

天仙子

烟水蘆花愁一片箇中消息難分辨舉杯邀月不成
三君可見儂可見伊人獨與寒燈面 欲寄封箋情
有限除非做本相思傳幾回擲筆費沉吟君也念儂

也念霜驕曉路雞聲店

自公稱此詞
爲千古絕調

風中柳 代賦

憔悴芳容祇被那人擔擱爲愁忙何曾寂寞殘膏垂
泪亦自傷離索剪頻頻不知花落欲寄封題又怕
雁兒難托恨春光鬢花送却畫梁歸燕更雙穿簾幙
這心情好生難著

賀新郎

對月有懷

醉裏眉難熨正秋宵半簾霜影滿林風葉攪亂閒愁
無歇處況是酒醒更絕猛拍闌干歌一闕轉調未成
聲已咽想那人此際同蕭瑟山水遠夢飛越別來
積念從誰說喜相逢伊邇屈指尚須十日見了定應

先問取曾覺幾番耳熱又恐怕見時倉卒待寫相思
爭得似不如六字都拈出隔千里共明月

楊玉香

金陵娼家女年十五性喜讀書不與俗人
偶貴游慕之卽千金不肯破顏閩中林景
清有才情薄游金陵與妓邵三狎三乃玉
香姊也景清以三爲介盛飾訪之一見交
驩居數月景清將歸玉香流涕曰君歸勢
不能從但誓潔身以待令此軒無他人之

跡景清感其言與之引臂盟約期不相負
遂以一清名其軒兼製詞畱別云八字嬌
蛾恨不開陽臺今作望夫臺月方好處人
將別潮未平時僕已催聽囑付莫疑猜
蓬壺有路去還來珍珍一樹垂楊柳休傍
他人門戶栽景清去後玉香思之成疾不
久而卒

鷓鴣天

送景清歸閩

郎是閩南第一流胸蟠星斗氣橫秋新詞宛轉歌纔

畢又逐征鴻下翠樓 開錦纜上蘭舟見郎歡喜別
郎憂妾心政似長江水晝夜隨郎到福州

徐驚鴻

青樓中之有才者嘗作嘲友絕句云春風
何處覓王孫日日鳴鑣到市門不是司空
頰見慣蛾眉纔遇便消魂以此知名後爲
女冠老焉其禪悟詩云誤落風塵已有年
每思探道叩金仙羞將鳳髻重臨鏡獨挽
牛車好着鞭夢裏巫山空二六悟來法界

遍三千傷心懶憶從前事
矯首長辭玳瑁筵

臨江仙

戲題

自愛鳳頭能窄小
踏春纖草剛填綺牕
徙倚尚稱艱
祇堪蓮上步
最懊酒中傳
豈是飛鳧仙子
舄到今
零落人間無端竊去
惹人嫌
毬塲荒踟躕
樂事罷
鞦韆

驀山溪

贈人

白頭如故肯把須臾負
繾綣幾年餘
無日不形隨影

顧好時俱倚病裏更扶持比翼鳥連理枝難並雙心
固擁衾聯臂細細和伊訴暗想結交初經受過許
多折磨鍾情我輩得常伴多情綺窗下繡幃中煩惱
也成歡度也字

楊宛

長干人字宛叔與王修微同時後歸西吳
茅氏能文詞行草皆有法著中山憲集

憶王孫

野塘風雨暗淒然
蘂麥青青春暮天
十二闌干怕卷

簾只思眠一任遊絲著夢牽

賀聖朝影

柳枝

愁見平川帶露披晚烟迷悠悠蕩蕩欲斜欹恨依依
轉輾風前無意緒郎何處烏絲闌上寫新題倩誰
攜

又

春閨

倚徧朱闌咏柳枝一絲絲無端勾引薄情兒故參差
拈得幽懷誰說與應記取悶教鸚鵡咏新詩罵郎
辭

滿宮花

暑夜與諸女郎外家宴

樹陰陰涼早早共盼月來天杪不知花裏幾多花只
覺幽香重遶露猶輕人已悄各各深情情巧盡從
花裏捉流螢一半醉眠芳草

浪淘沙

茉莉

盡日若含愁別樣嬌羞晚涼香散上簾鉤帶露摘來
斜壓鬢一夜風流忒煞任輕柔怎耐深秋相攜閒
對小妝樓不忍淒涼伊似我我似伊不

杏花天

牛乳

光凝裴儿秋窗曉正墨影香浮綠繞天畱一半心多
少只恐文章懊惱休回首玉樓信杳靈鬼笑頑仙
怎了從今檢點中書考辜負銅臺人老

鷓鴣天

七夕後一日詠織女

迢遞佳期又早休鵲橋無計爲遲畱臨風吹散鴛鴦
侶對月空思鸞鳳儔從別後兩悠悠封題錦字倩
誰投金梭慵整愁添緒泪逐銀河不斷流

蝶戀花

月夜

門掩芙蓉誰是伴遠信悠悠望斷愁難判墜葉吹籬

急又緩清秋可惜無人管
層軒徙倚愁如線撩月
勾雲無奈因風斲
遙憶玉郎今夜半瑤堦若箇同清
玩

金人捧露盤

詠秋海棠

記春光繁華日萬花叢正李衰桃謝匆匆儂家姊妹
妖枝艷蕙笑東風薄情仍共春光去惆悵庭空到
如今餘孤幹羞桃李一園中憐嬌妹試沐新紅恐傷
姊妹意含芳斂韻綺窗東隣家不分聲伊偏占放出芙

蓉

劉勝

詞見背樓韻語

蘇幕遮

恨桃花憎柳絮何事春來浪逐東風去邂逅從君花
下語無那情痴夢裏還凝佇楚臺風巫峽雨暮暮
朝朝無計重相遇背處偷彈雙玉筍自笑多情畚爲
多情悞

趙彩姬

字今燕秣陵妓有集行世櫟李周履靖爲

序云今燕雖籍在青樓乃靚妝冶容夷然
不屑惟是香爐茗盃把卷稱詩所交如四
明沈嘉則廣陵陸無從京口鄒汝翼吳門
張幼于俞羨長輩盡一時名下士卽多寒
儉今燕每私爲供具至脫簪珥不辭他挾
貲勢者非其好也

長相思

去悠悠意悠悠水遠山長無盡頭相思何日休
見春愁對春羞日日春江認去舟含情空倚樓

又

愁無言悶無言夢雨無邊春意闌思君不見還阻
關山望關山倚遍欄杆芳草殘盈盈泪自彈

柳隱

字如是歸虞山錢宗伯牧齋所著有戊寅
草雲間陳大樽爲之序

夢江南

懷人

人去也人去鸛鵲洲
萋萋結爲翡翠恨柳絲飛上鈿
箏愁羅幕早驚秋

又

人去也人去夢偏多憶昔見時多不語而今偷悔更生疎夢裏自歡娛

又

人何在人在木蘭舟總見客時常獨語更無知處在梳頭碧麗怨風流

又

人何在人在畫眉簾鸚鵡夢回青獺尾篆烟輕壓綠螺尖紅玉自纖纖

踏莎行 寄書

花痕月片愁頭恨尾臨書已是無多淚寫成忽被巧
風吹巧風吹碎人兒意半簾燈焰還如夢水銷魂
照箇人來矣開時須索十分思緣他小夢難尋聊

謝小濬

字中李

如夢令

舟過
青浦

雨後烟光如霧九面雲峰如坐綠漲襯遙天飛破輕
鷗一箇無數無數青鬢年華虛度

清平樂

閨情

良辰初到春色隨時開
粧點蛾眉因甚早人在咸陽
古道 當年曾別長亭今朝嘶馬
縈情寂寞黃昏時
候瑣窗夜夜風生

又 送別

朝來分手強起添茶酒
死別生離今是否
汨落頻沾
衫袖 心情百種思量
憐他翻斷愁腸門外潮平欲
落舟人催促行裝